



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK**

Broj: 02-11-3-735-13/22

Datum: 07.04.2022.godine

Na osnovu člana 70. stav 1. a u vezi sa članom 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) i Zapisnika o pregledu i ocjeni ponuda od 06.04.2022.godine, sačinjenog od strane Komisije za nabavke imenovane rješenjem Općinskog načelnika, Općinski načelnik, donosi:

**O D L U K U**

o izboru najpovoljnijeg ponuđača

I

Najpovoljnija ponuda za radove u predmetu nabavke "Održavanje i sanacija makadamskih puteva", po cijeni bez PDV-a u iznosu od 94.861,00 KM (slovima: devedesetčetiri hiljade osamstotinašestdesetjedna i 00/100 konvertibilnih maraka) odnosno sa PDV-om u iznosu od 110.987,37 KM (slovima: stotinudeset hiljadadevetstotinaosamdesetsedam i 37/100 konvertibilnih maraka) je ponuda ponuđača KM GRADNJA doo Tešanj.

II

Ponude su dostavljene u otvorenom postupku koji je objavljen na Portalu javnih nabavki dana 07.03.2022.godine pod brojem: 375-1-3-31-3-11/22, obavještenje o nabavci objavljeno u SL.glasniku BiH broj:13/22 dana 11.03.2022.godine pod brojem:Sl-5316-22, kriterij za dodjelu ugovora je najniža cijena.

III

Obavezuje se izabrani ponuđač (ukoliko uz ponudu nije dostavio) da u roku od 5 dana od dana prijema ove Odluke dostavi ugovornom organu potrebnu dokumentaciju kojom dokazuju svoju ličnu, ekonomsku i finansijsku sposobnost na način i u formi koja je propisana tenderskom dokumentacijom.

IV

Ponuda ponuđača IKAN doo Zavidovići je formalno neispravna jer ista ne sadrži dokumentaciju kako je propisano tenderskom dokumentacijom, te se ista odbacuje.

V

Za realizaciju Odluke zadužuju se Služba za finansije, privredu, komunalne i inspeksijske poslove općine Tešanj.

VI

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

VII

Ova odluka objavit će se na web-stranici Općine Tešanj [www.opcina-tesanj.ba](http://www.opcina-tesanj.ba), shodno članu 70. stav 6. Zakona o javnim nabavkama.

**O b r a z l o ž e n j e**

Postupak javne nabavke za radove "Održavanje i sanacija makadamskih puteva" pokrenut je Odlukom o pokretanju postupka broj: 02-11-3-735-2/22 od 04.03.2022. godine, pokrenut je otvoreni postupak koji je objavljen na Portalu javnih nabavki dana 07.03.2022.godine pod brojem: 375-1-3-31-3-11/22, obavještenje o nabavci objavljeno u SL.glasniku BiH broj:13/22 dana 11.03.2022.godine pod brojem:Sl-5316-22 a kriterij za dodjelu ugovora je najniža cijena.

U ostavljenom roku za dostavu ponuda pristigle su 3 (tri) ponude i to: ponuda IKAN doo Zavidovići, ponuda KM GRADNJA doo Tešanj i ponuda GEO PUT doo Maglaj.

Komisija za javne nabavke imenovana rješenjem Općinskog Načelnika broj:02-11-3-735-5/22 od 24.03.2022.godine, te Rješenjem o dopuni Rješenja broj: 02-11-3-735-6/22 od 31.03.2022.godine izvršila je dana 01.04.2022. godine javno otvaranje ponuda o čemu je sačinila Zapisnik sa otvaranja ponuda i isti prosljedila svim ponuđačima.

Komisija je na zatvorenoj sjednici izvršila provjeru formalne ispravnosti sadržaja pristiglih ponuda, te ustanovila da 1 (jedna) ponuda nije formalno ispravno i da se kao takva nemože ocjenjivati u skladu sa zahtjevom za dostavu ponuda.

Kako je tačkom 5.1. Tenderske dokumentacije predviđeno da će se u ovom postupku dodjele ugovora primjenit E-aukcija za ponuđače koji su podnijeli prihvatljive ponude, to je ugovorni organ zakazao E-aukcija za dan 06.04.2022.godine od 09:00 sati sa vremenskim trajanjem od 10 (deset) minuta.

Iz Izvještaja o toku i završetku E-aukcije od 06.04.2022.godine vidljivo je da KM GRADNJA doo Tešanj kao ponuđač zauzima prvo mjesto na Konačnoj listi ponuđača koji su učestvovali u E-aukciji, te je Komisija izvršila rangiranje prihvatljivih ponuda prema kriteriju za izbor ponuda (najniža cijena ekonomski prihvatljive ponude) te sačinila konačnu listu ponuda, rangiranu po cijeni ponuda i utvrdila da su za radove predmetne nabavke najpovoljniji ponuđači kako slijedi:

1. KM GRADNJA doo Tešanj
2. GEO PUT doo Maglaj

Komisija je kod ocjene ponuda takođe utvredila da - ponuda IKAN doo Zavidovići je formalno neispravna naime tačkom 13.3.1 pod a) tenderske dokumentacije traži se „uspješno iskustvo u izvođenju radova, što se dokazuje sa 2 (dva) ugovora na održavanju i sanaciji makadamskih puteva, pojedinačne vrijednosti bez PDV-a minimalno po 50.000,00KM (slovima:pedesethiljada i 00/100 konvertibilnih maraka) u posljednje tri (3) godine, (ponuđači svoje iskustvo mogu dokazivati i sa ugovorima veće vrijednosti)“ a tačkom 13.3.2 pod b) propisano je da je ponuđač obavezan uz tendersku dokumentaciju dostaviti „Spisak izvršenih ugovora, original ili ovjerena kopija dokumenta - kojim se dokazuje iskustvo u izvođenju radova u skladu sa zahtjevima navedenim u tački 13.3.1. a) tenderske dokumentacije“. Uz ponudu ponuđač je dostavio dokument (Spisak izvršenih ugovora ) od 24.03.2022.godine na kojem je naveo tri ugovora od kojih samo jedan ugovor odgovara vrijednosti propisanoj tačkom 13.3.1 pod a) tenderske dokumentacije a dva ugovora su manjih vrijednosti koje su propisane tom tačkom.

Ponuda ponuđača IKAN doo Zavidovići je u skladu sa članom 68. Zakona o javnim nabavkama Bosne i Hercegovine ("Službeni glasnik BiH", broj: 39/14) odbačena, kako je navedeno u tački 4. dispozitiva ove Odluke.

Shodno navedenom, Komisija za javnu nabavku je prema utvrđenom kriteriju "najniža cijena ekonomski prihvatljive ponude" preporučila Općinskom načelniku Općine Tešanj (Zapisnik o pregledu i ocjeni ponuda broj: 08-11-3-735-12/22 od 06.04.2022.godine), da se u predmetu javne nabavke radova "Održavanje i sanacija makadamskih puteva" donese Odluka o izboru najpovoljnijeg ponuđača i da se kao najbolje ocijenjena prihvatljiva ponuda smatra ponuda ponuđača KM GRADNJA doo Tešanj , odnosno kako je to navedeno u tački I ove Odluke, te da se sa istim zaključi ugovor u skladu sa ponudom navedenog ponuđača i cijenom postignutom na E-aukciji za radove predmetne nabavke.

Uzimajući u obzir sve navedeno, a primjenom člana 64. stav 1. tačka b) Zakona o javnim nabavkama Bosne i Hercegovine ("Službeni glasnik BiH", broj: 39/14) kao najpovoljniji izabran je ponuđač KM GRADNJA doo Tešanj, sa cijenom bez uključenog PDV-a od 94.861,00 KM (slovima: devedesetčetirihiljadeosamstotinašestdesetjedna i 00/100 konvertibilnih maraka) odnosno sa PDV-om u iznosu od 110.987,37KM (slovima: stotinudesethiljadadevetstotinaosamdesetsedam i 37/100 konvertibilnih maraka) te je donesena Odluka kao u dispozitivu.

**Pouka o pravnom lijeku:** Žalba na Odluku o izboru najpovoljnijeg ponuđača izjavljuje se URŽ-u putem ugovornog organa u roku od 10 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14).

DOSTAVLJENO:

1. Ponuđači x3,
2. Služba za finansije, privredu, komunalne i inspeksijske poslove,
3. Web stranica općine Tešanj, elektronski,
4. Predmet.

*Huskić*



**OPĆINSKI NAČELNIK**

*Huskić*  
\_\_\_\_\_  
mr.sci. Suad Huskić

